

DEN RETONAN  
GRANDI,  
UNION TA HACI  
NOS FUERTE!

# ISLA((•))NLINE

Diahuebs 25 October 2018

Email: [prensa@arubagovernment.aw](mailto:prensa@arubagovernment.aw) Tel: 528-4900



GOBIERNO DI ARUBA

Gabinete Wever-Croes ta  
Construyendo un pais cu  
oportunidadnan nobo pa  
tur ciudadano, cu progreso  
y bienestar pa tur .





**MINISTER EVELYN WEVER-CROES**

**Prome Minister di Aruba**

## Hour of Code: Dianan 3 pa 7 di december pa un ora cada dia, MILES DI MUCHA Y HOBEN ROND MUNDO LO TA UNI DEN INNOVACION

Hour of Code ta un plataforma mundial na unda cu mas di 180 pais rond di mundo ta participa. Miles di mucha y hoben rond di mundo ta bini hunto pa un ora den e di dos siman di december pa siña "coding" na un manera creativo y placentero. Prome Minister Evelyn Wever-Croes ta encurasha mayornan, companianan, scolnan, centronan di bario, y tur plataforma di educacion, sector priva, pa participa na Hour of Code.

E aña aki, Aruba tambe ta participa na Hour of Code. Hour of Code ta habri pa tur hende y di tur edad. Lo tin si un enfoke special pa muchanan di klas 5 y 6 di scol basico y tambe klas 1 of brugklas di scolnan secundario. Pero e berdad ta cu tur mucha, hoben of persona cu tin un computer, tablet of laptop y cu acceso na internet, por participa gratis.

E proposito di Hour of Code ta pa nos yuda nos muchanan y tambe

maestronan pa trece ciencia y tecnologia, y tambe coding mas cerca di nos muchanan den un manera innovativo cu ya caba nan ta custumbra cu n'e, por ehempel, via weganan y topiconan manera Star Wars, Minecraft, Frozen, y Angry Birds.

E Ekipo di innovacion di Gobierno, Futura Lab, hunto cu diferente stakeholders manera Universidad di Aruba, Departamento di Enseñansa, y Setar entre otro, a forma un grupo di trabou pa yuda organisa e voluntarionan pa haci Hour of Code posibel e aña aki. Pero ta keda na cada scol of compania pa organisa nan mesun evento e mesun dia y mesun ora.

E grupo di trabou lo duna tur informacion necesario pa esnan interesa por organisa nan mesun Hour of Code. E meta ta pa mas cu 1500 mucha y persona participa den Hour of Code na Aruba e aña aki y pa tur aña e grupo keda bira mas



grandi pa nos por alcanza tur scol y tur bario di Aruba.

Hour of Code e aña aki lo ta e siman di 3 pa 7 di december y durante siman aki lo publica informacionnan di con por inscribi pa participa of bira un voluntario pa Hour of Code.

Por sigui e pagina di Facebook di Futura pa obtene mas informacion. Tambe e website di Departamento di Enseñansa y e APP di Gobierno lo publica tur informacion di con por participa.

Prome Minister Evelyn Wever-Croes ta invita tur esnan cu tin pasion of afinidad cu ciencia y tecnologia y innovacion, maestronan rond di Aruba, entrepreneurnan, NGOs, centronan di bario y tambe sector priva pa participa den Hour of Code pa asina hunto nos yuda hisa e capacidad di innovacion di nos mucha y hobennan.

Sector priva tambe por yuda

door di duna nan empleadonan un paar di ora pa asina nan tambe por ta un boluntario, of un compania por adopta un klas di un scol pa un ora, of por yuda cu fia laptops y tablets pa e siman aki na scolnan of na fundacionnan cu kier organisa un Hour of Code, of kizas un compania por organisa un Hour of Code na nan oficina mes.

Hour Code ta solamente un ora so, e no ta costa nada y e ta habri pa tur hende. Por lo tanto, Prome Minister ta encurasha tur scol y plataformanan di educacion y huventud, y tambe sector priva haci uzo di e oportunidad aki pa yuda accelera innovacion y trece ciencia y tecnologianan mas cerca di nos muchanan y hobennan.

Prome Minister a gradici Minister di Enseñansa Armando Rudy Lampe pa su apoyo pa cu e proyecto aki y e compromiso na nos muchanan pa innova den enseñansa.





# AREA TA SIGUI CU PROYECTONAN INNOVATIVO Y YEN DI AMBIENTE PA TRECE BIDA BEK DEN NOS CENTRO DI CIUDADADNAN

**Comercio tambe lo haya un boost den e temporada di fin di año**

E temporada mas dushi di año ta acercando y nos comunidad como costumber ta probecha e dianan di fin di año pa haci compras y un biaha mas disfruta di e ambiente cu ta wordo ofreci den centro di nos ciudadnan. Prome Minister Evelyn Wever-Croes, a duna un resumen hopi elabora riba e proyectonan pa trece bida bek den centro di nos ciudadnan, esta San Nicolas y Oranjestad. Pa haci e trabounan mas eficiente, Gobierno di Aruba a institui e plataforma AREA pa asina trece bida bek den nos centro di ciudadnan.

Den e luna di juni a instala un Steering Committee cu ta conta cu participacion di Camara di Comercio, ATIA, ATA. E Steering Committee, entre otro, tabata tin e tarea pa trece hunto 2 task force, un pa Oranjestad y un pa San Nicolas, pa asina cuminsa cu e proceso di desaroya un plan pa e ciudadnan aki, pero tambe atende cu quick-wins, kico ta loke nos por haci riba termino cortico.

Por a tuma nota di diferente anuncio riba tereno di maneho entre otro, Minister Chris Romero a anuncia e maneho nobo di parkeo na playa: e oficina di Turismo na San Nicolas cu lo habri bek cu mas innovacion; e concepto nobo di Island Fest cu Minister di Turismo lo elabora mas riba dje; tambe trabounan ta tumando luga pa amplia e acceso na WIFI den centro di Playa y San Nicolas. Esakinan ta djis par di ehempel di quick wins pa por trece bida bek cu ta canando den paralelo cu e plan pa termino largo.

E task force'nan ta consisti door di diferente persona kendenan ta activo den e ciudadnan aki,



como tambe, comerciante, entrepreneurs, personanan cu background financiero, esnan den mundo creativo y tambe academic. Prome Minister a expresa cu e ta sumamento agradeci na e Task Forces y Steering Committee pa nan dedicacion y trabou voluntario pa por mira bida bek den nos centronan di ciudad.

E ultimo lunanan aki tabata tin diferente reunionnan cu stakeholders y hunto ta desaroyando un plan di accion. Den luna di november Gobierno lo duna un resumen di e desaroyonan y tambe lo introduci e miembronan di e Steering Committee y di e Task Force'nan di Area.

Pa Centro di ciudad Oranjestad, Caya G.F. Betico Croes lo bin actividadnan di fin di año. Pronto lo publica un "Live Calendar" di evento. E calendar aki lo duna tur informacion di actividadnan cu lo tin den caya di awo te cu fin di año pa asina trece bida bek y tambe duna comercio un

boost cu e periodo importante aki cu ta den porta.

Señora Lindy Croes a wordo apunto como e persona cu ta encarga cu eventonan pa Area Oranjestad. Lindy ta coordinando e trabounan pa haci e eventonan aki un realidad. Lindy lo percura pa tur informacion yega di cada actividad cu tin plania.


E prome actividad grandi lo ta dia 2 di november na unda na un forma festivo lo cende e lusnan di Pasco bou animacion musical cu canticanan di Pasco. Prome Minister ta extende un invitacion cordial na henter Aruba pa bini hunto cu famia pa asina hunto yama bon bini na e temporada aki

di Pasco den nos centro di ciudad Oranjestad. Pronto lo brinda mas informacion pa cu e evento di inauguracion di, "City of Lights".

Laga nos imagina pa un rato, awe nochi, Caya G.F. Betico Croes ta keto y sin ambiente. Pero entrante 2 di November, ta bay tin luznan di Pasco, Musica di Pasco, Fontijnnan ilumina, caya tiendanan y decora, famianan ta cana contento, tiendanan habri te laat pa brinda esnan cu ta traha oportunidad pa haci nan compras. Asina aki, Gabinete Wever-Croes ta trece bida bek den centro di Oranjestad den e temporada di fin di año.






**MINISTER OTMAR ODUBER**
**Minister di Desaroyo Teritorial, Infraestructura y Medio Ambiente**

## Mester tene cuenta cu e tres 'R' nan: reduci, reusa y recicla CONSCIENTISACION TA IMPORTANTE PA SOLUCIONA PROBLEMA DI MANEHO DI DESPERDICIO

Anualmente gran cantidad di desperdicio ta wordo tira na dump Parkietenbos, esaki tin como consecuencia cu e sero di e landfill aworaki ta na 22 meter. E aumento di e sero aki tin peliger cu ne pa nos medio ambiente y salud di ciudadanonan. Ta tempo pa nos cuminsa atende cu desperdicio mihor, ta tempo pa remedia dump Parkietenbos y cuminda tene mas cuenta cu e 'R' nan di nos medio ambiente: reduci, reusa y recicla. Siguientemente ta importante pa como sociedad nos practica locual cu ta wordo predica: no cumpra articulonnan innecesario cu ta bin den empakenan dañino na nos medio ambiente, reusa y recicla locual cu bo por y locual cu bo tin.

Reduciendo e cantidad di desperdicio cu ta wordo produci ta e mihor forma pa yuda nos medio ambiente y tin diferente manera pa haci esaki. Por ehempel door di reusa articulonnan. Enbes di benta cos afo, trata na busca otro uzo pa nan, por ehempel: Algo cu ya caba gran parti di comunidad ta cumpliendo cu ne actualmente ta e uzo di tashan/ saconan reusabel of di papel ora di haci compras enbes di uza saco di plastic. Manera cu a wordo anuncia recientemente entrante januari 2019 lo tin un prohibicion pa 'foam box', 'single use plastic' y Oxybenzone cu ta un ingrediente presente den productonan manera sunblock/ sun tan. Pa cual por haci uzo di bakinan pa warda cuminda di plastic duro cu ta reusabel of traha di material cu por wordo recicla.

Pa locual ta cahanan di sapato, glasan di jam, glas di dip etc. y tur otro container cu lo benta afo ora cu e contenido caba, ta bon pa pensa prome con lo por haci



uzo di esakinan pa warda otro cos aden. Haciendo uzo di creatividad y imaginacion por converti esakinan den bunita proyectonan. No benta paña, coy hunga, mueble y otro articulonnan cu ya bo no ta desea mas afo, un hende probablemente por uza nan.

Por hiba esakinan na centronan cu ta colecta donacion, duna amistadnan, of rebende esakinan den un 'yard sale'. Na trabou of na scol ta importante pa realisa cuanto papel ta wordo uza. Trata na uza ambos banda di un papel y no print un email/ documento si no ta necesario. Haci uzo di tayan, glas y articulo pa come cu por reusa y evita di uza articulonnan di plastic desechabel 'single use plastic'.

Hopi di e cosnan cu nos ta haci uzo di dje a base diario manera saco di papel, bleki di refresco y paki lechi, ta traha di materialnan cu por wordo recicla. Articulonnan recicla

ta wordo poni den un proceso cu ta hacie posibel pa crea productonan nobo for di materialnan uza caba.

Adicionalmente na recicla mas cu por locual cu bo cumpra, bo por yuda medio ambiente mas door di uza productonan cu ya caba ta contene materialnan recicla. Varios marca di napkin, saco di sushi, carchinan di felicitacion, y papel di wc (pa menciona algun ehempel) ta indica riba nan empake cu nan producto ta traha for di materialnan recicla. Asina mas y mas companianan ta diseñando y introduciendo opcionnan di articulonnan cu ta mihor pa medio ambiente.

Ministerio encarga cu Naturalesa y Medio Ambiente ta promove mihor maneho di desperdicio y conscientisacion tocante con ta anda cu desperdicio den comunidad.



# Un etapa nobo pa nos medio ambiente: GOBIERNO A LANSA SU PLAN DI MANEHO DIRIGI RIBA NOS MEDIO AMBIENTE

Gobierno di Aruba, Ministerio di Infraestructura y Medio Ambiente ta publica e strategia (beleidsnota) di naturalesa y medio ambiente cu e tema 'Ons Natuur & Ons Milieu, Op weg naar een evenwichtige toekomst'. Un maneho pa aña 2018 te cu 2021. E maneho a wordo diseña por medio di colaboracion di departamentonan y Ministerio, pa cual Directie Natuur en Milieu (DNM) a lidera e proceso inicia den 2014. Na aña 2018 Ministerio a implementa un methodo adicional jama SWOT y a haci algun adaptacion y revision pa reforsa e plan.

E nota ta uno dinamico y destina pa e periodo di 2018 pa 2021. Importante pa indica cu durante e trayecto di e nota a consulta diferente actor. Asina iniciando e trayecto unda cu Ministerio lo sigui cu e conversacionan cu diferente actor pa locual ta medio ambiente y pa asina ta na altura di e diferente perspectivanan existente y siña di esaki.

E aspecto dinamico ta haci cu e plan ta mas realistico considerando cu cambionan globalmente ta tumando lugar hopi mas liher. E plan aki por wordo adapta a base di e perspectivinan cu wordo comparti cu ministerio. Interesante pa trece dilanti ta cu a uza un metodologia di SWOT, unda a haci un analisis di 'Strengths' (Forsa), 'Weaknesses' (Debilidad), 'Threats' (Peliger) y 'Opportunities' (Oportunidad). Na promer instante a enfoca riba un acercamento pragmatico y a scoge 4 tema di prioridad pa asina den un siguiente trayecto enfoca riba e otro temanan defini. A base di SWOT a formula strategianan y a transforma esaki den

accionan concreto.

Den e maneho balans y colaboracion entre tur partido involvi ta temanan sumamente importante. E tema di medio ambiente ta

uno compleha como tambe impactante. Tur partido tin un tarea specifico pa haci y sin balans y colaboracion estrecho entre partners cu tin un vision colectivo, e maneho no ta posibel, cual ta e enfoke

di e nota aki.

Ministerio y DNM ta gradici tur esnan cu ta duna nan tempo pa cu e maneho aki. Cu hopi confiansa y bon speranza ta inicia un etapa nobo.



Ministerie van Ruimtelijke Ontwikkeling,  
Infrastructuur en Milieu

REGERING VAN ARUBA

Onze Natuur & Ons Milieu,  
*op weg naar een evenwichtige toekomst*

Natuur- en Milieubeleidsnota 2018-2021

DIRECTIE  
NATUUR  
& MILIEU





**MINISTER XIOMARA RUIZ-MADURO**

Minister di Finansa, Asuntonan Economico y Cultura

## MINISTER RUIZ-MADURO A RICIBI BISHITA DI EHECUTIVONAN DI CIBC FIRST CARIBBEAN NATIONAL BANK



Pa por yega na mehoracion di e finanzas publico di nos Pais, e acceso na financiamiento sea local of internacional ta keda importante. Minister di Finansa, Asuntonan Economico y Cultura ta trece dilanti cu Gobierno mester keda traha pa mantene e confiansa necesario di inversionista por medio di dialogo brindando informacion

di e esfuersonan cu ta wordo haci pa por yega na un finanzas publico manehabel y na un economia fuerte y resiliente pa nos Pais.

Den e cuadro aki e mandatario encarga cu Finansa Publico a ricibi bishita di ehecutivonan di CIBC First Caribbean National Bank cuta brindando Gobierno di Aruba igualmente

local ta e caso cu hopi otro inversionista local y internacional e confiansa pa por cumpli cu e maneho di debe (debt management) di nos Pais.

Na e encuentro cu Minister Ruiz-Maduro tabata presente di parti CIBC First Caribbean National Bank Sr. Pim van der Burg, Head Corporate

Investment Banking, Sra. Timba Engelhardt, Country Manager CIBC Sr. Giovanni Atencio, Associate Director Investment Banking, di parti Directie Financiën Sr. Derick Werleman, Directeur y Chito Paris, Director Suplente y di parti Ministerio di Finansa, Asuntonan Economico y Cultural Sr. Nilo Swaen Consehero.

october  
luna di  
conscientisacion di  
**cancer di pecho**

E miho proteccion  
ta **deteccion** na tempo!





# Minister di Finansa, Asuntonan Economico y Cultura ta invitado pa Conferencia Papiamento Idioma Oficial: **TA IMPORTANTE PA NOS PROTEHA Y SALVAGUARDIA NOS IDIOMA PAPIAMENTO**

Na ocasion di 15 aña di Papiamento como idioma oficial e Plataforma Union di Papiamento consistiendo di Fundacion Lanta Papiamento di Aruba, Fundashon Instituto Alsa Papiamentu di Kòrsou, Fundashon Akademia Papiamentu di Boneiro y Fundashon SPLIKA di Hulanda ta organisa Conferencia Papiamento Idioma Oficial caminda lo pone atencion riba Papiamento pa asina aporta na su desaroyo.

Meta di Plataforma Union di Papiamento ta pa traha hunto pa promove, enforsa y desaroya nos dushi idioma Papiamento.

Minister di Finansa, Asuntonan Economico y Cultura Sra. Mr. Xiomara Ruiz-Maduro ta invita cpa dirigi palabra caminda elo elabora riba Papiamento y Cultura. Papiamento tin un status oficial na Aruba, Boneiro y Kòrsou. Na 2018 nos ta celebra cu na Aruba ya

ta 15 aña cu Papiamento tin un status oficial y e aña aki a wordo proclama como "Aña di Papiamento".

E meta di e simpioso aki ta pa enfoca riba e atencion amplio pa cuida di Papiamento, sosten pa realisa un Union di Idioma Papiamento, cu Plataforma cu organo di deliberacion y sosten pa introduccion di Papiamento como idioma di instruccion den enseñansa. E conferencia lo tuma lugar diabierna 26

di october y diasabra 27 di october na Biblioteca Nacional Aruba.

Minister Ruiz-Maduro ta un ferviente sostenedor di nos idioma Papiamento y ta convenci cu pa medio di conferencianan manera esaki, nos comunidatnan cu ta papia Papiamento, por sigui proteha y salvaguardia nos dushi idioma Papiamento, como un di e idiomanan crioyo mundialmente mas desaroya.

## CONFERENCIA PAPIAMENTO IDIOMA OFICIAL 26 Y 27 DI OCTOBER 2018

### PLATAFORMA UNION DI PAPIAMENTO

*Fundacion Lanta Papiamento, na nomber di Plataforma Union di Papiamento, ta invita pueblo di Aruba, Corsou y Boneiro pa participa na e conferencia aki. Lo tin diferente charla, tayer y otro presentacion interesante y importante cu enfasis riba informacion y intercambio di idea, celebrando Papiamento, fundeshi di nos desaroyo.*






**Inscripcion:**  
 Dia 26 di october: 14:00 – 19:00 or  
 Dia 27 di october: 08:30 – 18:00 or  
 Luga: Biblioteca Nacional Aruba


**AWG. 15,00 pa dia 26 di october  
 AWG. 25,00 pa dia 27 di october  
 Studiante: AWG. 20,00 total  
 Lunch: AWG. 10,00**

## CAFT TA DUNA CONSEHO POSITIVO RIBA PRESUPUESTO 2019

"Nos no a sali di e crisis financiero ainda,  
pero nos ta riba e bon rumbo"






**MINISTER GLENBERT F. CROES**
**Minister di Asunto Social y Labor**

## DEPARTAMENTO DI ASUNTO SOCIAL A ORGANISA “UN MAINTA CUIDANDO NOS CARTERA”

Cuidando nos cartera tips #2



Gobierno di Aruba

**CONTROLA KICO BO TIN NA  
CAS PROME CU BO TRAHA BO  
LISTA DI COMPRAS**

MINISTER DI ASUNTO SOCIAL Y LABOR

Departamento di Asunto Social

e di dos grupo tabata consisti di clientenan di Pos Chikito, Savaneta y San Nicolaas.

Minister Glenbert Croes ta aplaudi e iniciativa pro-activo aki di Departamento di Asunto Social cu e unico fin di por yuda un y tur den un consciencia y formacion financiero sano pa evita cu lo por cay den un abismo unda cu e consecuencia final ta cu no tin cuminda ni pa e mayornan mes, corda pa e yiunan. Esaki ta un situacion cu Minister Glenbert Croes kier elimina.

Den e cuadro di creacion di consciencia y responsabilidad financiero, lo publica 'tips' den e corant di Gobierno, esta IslaOnline, riba e pagina di facebook di Departamento di Asunto Social y riba e pagina di facebook di Glenbert F. Croes Minister di Asunto Social y Labor.

Mayoria di hende ta pensa cu Departamento di Asunto Social ta pa aplica pa bijsstand so. Pero e realidad ta cu e servicionan di e departamento aki ta hopi mas amplio cu esey. E departamento aki ta duna guia na famia, apoyo n'e cliente, supervision unda ta necesario.

Minister Glenbert Croes su vision ta pa crea oportunidadnan laboral pa nos hendenan local por haya trabou percurando pa un bon calidad di existencia. Pero pa esunnan cu esaki no ta posibel, Minister

su vision social ta cu ningun hende, specialmente ningun mucha ta permiti pasa hamber ni necesidad.

Problema financiero den famia, hopi biaha door di diferente circunstancianan di bida y/of e falta di conocimiento tocante maneho di placa, ta keda un di e ayudonan di mas grandi solicita na Departamento di Asunto Social (DAS) su seccion Guia Social.

En conexion cu esaki, Departamento di Asunto Social su seccion Guia Social,

a organisa dos mainta titula 'un mainta cuidando nos cartera' pa su clientenan. E tayer a keda presenta pa un trahado social di DAS mes. E prome grupo tabata consisti di clientenan di St. Cruz, Paradera, Oranjestad, Noord y

Departamento di Asunto Social ta bay sigui cu e tipo di tayernan aki pa asina keda educa y informa su clientenan, haciendo uzo di experticio y conocimiento den cas.



*Like y Share nos pagina di Facebook,*  
Glenbert F. Croes Minister  
di Asuntonan Social y Labor



**Lista di vacatura di DPL ta wordo publica tur siman riba e pagina di Facebook 'Departamento pa Progreso Laboral DPL' y tur diasabra den Corant. Si bo ta interesa pa solicita, pasa libremente di dialuna pa diabierna entre 7:30 cu 11:00 am na DPL Seroe Blanco 4.**

**Mester acudi cu Cedula of un papel di Censo di fl.5,- pa wordo atendi. #dplaruba**



## Oportunidad pa Trabou Solicita na DPL

Departamento di Progreso Laboral ta anuncia e siguiente vacatura nan

**Ecoled Aruba:** Sales Representative  
**Gamma IT Solutions:** Software Developer  
**EH Aluminium Expert:** Aluminium Expert  
**Chihuahua's Fiesta & Grill:** Cookhelper  
**MTR Vleeswaren:** Barbediende (Bartender)  
**CIAE / IBERO American High School:** Beeldende Vorming Leerkracht  
**Chuleta Garage:** Automonteur  
**Kalin Mexican Food:** Cook Helper  
**Roncado Management & Development NV:** Metelaar  
**Rancho Triple L:** Dierenverzorger  
**Eljo Construction & Real Estate:** Projectleider  
**Nani Pan Gourmet:** Pastelero  
**Nani Pan Gourmet:** Panadero  
**Hooters:** Waiter/tress  
**Dancing Chef Entertainment:** Chef Teppan  
**Aqueous:** Ing.de instalacion de sistema de Refrigeracion  
**Joaquin & Rafael Agencies:** Productor Audiovisual  
**Joaquin & Rafael Agencies:** Tire Changer Heavy Equipment  
**Simeyon Supermarket:** Cashier Supervisor  
**Belle Pensee Psychological Services:** Seksuoloog  
**New Metal:** Aluminium Fabricator  
**Ritmo Cubano II:** Bailarines - Acrobatas  
**Thode Airco & Electrical Services:** Koelmonteur  
**CDP Construction & Cleaning:** Tegelzetter - Timmerman

**"Flortiek" By Wilson:** Bloemist  
**Eagle Roofing and Construction:** Dakdekker  
**Sebrina's Resort:** Schoonmaakster  
**Taobao Store:** Cashier  
**Click Print (CP) & More:** Web Designer - Installateur  
**"Isla Pop":** Chef Kok  
**New 88 Food Mart:** Cleaner  
**Shivas Gold & Gems:** Schoonmaker(ster)  
**Gianni's Group Azia Restaurant & Lounge:** Event Sales Assistant  
**Amore Mio:** Night Cleaner  
**Gianni's Restaurant:** Kitchen Helper (2)  
**The New Garage:** Banden Reparateur  
**Lee Feng Supermarket:** Slager Helper  
**Hong Kong Supermarket NV:** Slager  
**Ling's Restaurant:** Kok Helper(ster)  
**Los Cafeteros Restaurant:** Kitchen Helper  
**Animal Health Veterinary Hospital:** Dierenarts  
**ADV Construction:** Loodgieter  
**Papo Barbershop:** Barber  
**Bashaka Services:** Onderhoudsman  
**Prive:** Uitwonende Dienstbode  
**Moomba Beach Bar & Restaurant:** Restaurant Supervisor  
**Tango Restaurant:** Restaurant Supervisor  
**Salt & Pepper:** Restaurant Supervisor - Restaurant Manager  
**G.A.L. Construction Maintenance:** Timmer Vrouw  
**GJG Salon & Boutique:** Kapster

**Aluberg Aruba:** Productiemedewerker  
**Style & Colors:** Verkoopster  
**To Dine For Horeca:** Chef Cook - Pastry Chef  
**Top Drive:** Financieel Administrateur  
**ABC Tours & Attractions:** Mechanic Helper - Fabrication Engineering - Mechanic - Bodyman  
**D Chamo Barbershop:** Kapster  
**Renaissance Aruba Beach Resort & Casino:** Wedding Coordinator - Sous Chef  
**Vrolijk Constructor and Multi Services:** Timmerman  
**Fan Restaurant:** Kitchen Attendant - Kok



## MINISTER ANDIN BIKKER

Minister di Husticia, Seguridad y Migracion

# MINISTER BIKKER LO REUNI HUNTO CU HEFE DI POLIS RIBA MEDIA BELEID DI KPA

Minister di Husticia mr. Andin Bikker lo reuni cu hefe di polis y representantenan di media relaciona cu e pregunta kico ta media beleid di parti KPA.

Segun Minister Bikker esaki ta relaciona cu tin mas persona of personanan cu tin mas acceso cu otro na informacion pa cu e accionnan di polis. E situacion aki ta algo cu el a hereda segun e mandatario. Mirando e ultimo desaroyonan pa cu e situacion aki el a tuma contacto cu Korps Chef pa reuni riba e punto aki hunto cu 1 of mas representante di media.

Den e reunion aki kier defini di awor pa dilanti kico ta e media beleid y adresa e preocupacion aki na un manera debido.





# BIRA POLIS

## APLICA AWE!

ULTIMO FECHA PA HACI ENTREGA TA  
2 NOVEMBER 2018



Pa mas informacion por yama scol di polis (E.J. Watty Vos.)  
Busca bo formulario - yena - entrego







# BIRA POLIS ▶ APLICA AWE

*nos mester di bo!*

- **AWOR BO POR ENTREGA BO FORMULARIO TE CU DIA 2 NOVEMBER 2018.**
- Bo por aplica awor pa **MBO Nivel 4** pa **aña 2019.**

## ▶ REKISITO

Inscribi na Censo y nacionalidad Hulandes.  
 Edad minmal 17 aña maximo 34 aña.  
 Haltura di no menos cu 1.60 meter.  
 Diploma MAVO/EPB doorstroom



## ▶ DOCUMENTO

Copia valido di un paspoort Hulandes  
 Papel di AWG 5,- di Censo  
 Copia di diploma (MAVO y EPB doorstroom) y Lista di cifra  
 Copia di bo AZV  
 Un pasfoto reciente



## ▶ INFORMACION

Scol di Polis (E.J. Watty Vos)  
 Fortheuvelstraat 25, San Nicolaas  
 Dialuna pa Diabierna di 09:00 pa 15:00  
 Tel: 527-3081  
 Email: [adminpoi@kparuba.com](mailto:adminpoi@kparuba.com)

.....



SERVICIO • INTEGRIDAD • SEGURIDAD





## MINISTER ARMANDO LAMPE

Minister di Enseñansa, Ciencia y Desaroyo Sostenibel

# CURA CREATIVO

Diabierna ultimo a tuma luga e actividad Cura Creativo, unda e studiantenan di IPA a pinta diferente figura humano cu ta representa e estudiante, docente y personal di sosten di IPA riba e cura di e instituto.

Cura Creativo no solamente ta un actividad educativo, interactivo y creativo cu ta stimula teamwork entre e miembronan di instituto, pero alabes e ta realsa e edificio di IPA. E studiantenan tabata hopi entusiasma pa pinta e cura. Lamentablemente, pa motibo di mal tempo, no a logra caba cu e proyecto manera plania. Pero, lo continua cu e trabao asina cu e tempo ta miho. E actividad aki seguramente no tabata posibel sin cooperacion di diferente sponsor cu a kere den e proyecto aki y cu a yuda IPA sin pensa dos biaha.

Nan ta: Crown, Melz Fashion, Dijtham, Vrolijk Enterprise, Sport Caribe, Subway, Antesala Cafe, Kosmetikos Aruba, Cuts & Curves, Chillerz, Clinical Massage Aruba & Spa, IBS

Aruba, Carribean Cinemas Aruba, Zona Simple, Kairos Boutique, Aruba Marriott Resort & Stellaris Casino, El Farro, Friends of God, WEMA, Aruba Aloe, TEC NV, Manrique Capriles, Giannis Group, Do It Center, S. Ford Furnishings Aruba, Angelo Trimon – Beauty & Photography Studio y Pelican Adventures NV.

E comunidad di IPA no tin palabra pa gradici boso pa boso aporte. Masha danki di curason.





# E AVENTURA TA CUMINSA NA IPA!



Pa kier ta diferente y haci un diferencia den bida di otro, cuminsa na join IPA. Adaeynah Bohorquez, estudiante di aña dos di e estudio pa maestro di Enseñansa Primario, ta conta pakico abo tin cu scoge pa e profesion di maestro.

"E tarea di un maestro ta mas cu djis siña mucha idioma cu matematica. E maestro ta forma parti di e añanan mas importante di e mucha su bida. Esaki ta e periodo cu e mucha ta siña di e mundo ront di dje, ken e ta, y con pa desaroya y uza su talentonan. Como maestro bo no ta solamente aporta na educacion di e mucha, pero tambe bo ta forma y guia e mucha pa e por integra su mes den nos sociedad. Mi por segura bo cu un persona cu caba su estudio y cu ta labora semper lo ta agradecido na un maestro cu a yud'e den su formacion pa ta unda cu e ta awo. Si bo scoge pa e profesion di maestro, bo no ta conforma pa menos, bo ta scogiendo pa ta un lider, un ehempel, un role-model, pa yuda forma e futuro generacion di Aruba. Mi kier motiva bo y reta bo pa bo join e team di maestro di Aruba. E aventura ta cuminsa na IPA!"

IPA ta invita tur estudiante di HAVO, VWO y MBO nivel 4 y tur otro persona interesa pa cuminsa un estudio pa maestro pa asisti na IPA su Dia Publico (Open dag) dia 17 di November 2018. IPA su Dia Publico lo ta di 10or di mainta te 2or di atardi na IPA (Isaac Wagemakerstraat 11, San Nicolas).

Durante e Dia Publico lo duna informacion di e estudio di Maestro pa Enseñansa Primario, Bachelor Talen y e curso di PDG. Tambe lo duna informacion tocante e Test di admision y 21+ Toets. Naturalmente lo tin oportunidad pa inscribi como estudiante. Pa por inscribi na IPA mester trece e papel di registro civil (papel di AWG 5). E gastonan di

inscripcion ta AWG 75,-. Pa inscripcion di e estudio di Maestro pa Enseñansa Primario y Bachelor Talen mester bin cu copia di diploma di sea HAVO, VWO of MBO nivel 4. Pa inscripcion di e curso di PDG mester bin cu copia di diploma di sea HBO of WO.

Banda di esaki por cera conoci cu e instituto en general y e ambiente estudiantil en particular y conoce nos facilidadnan. Ademas lo tin oportunidad pa combersa cu nos studiantenan actual. Tambe lo tin un 'Food & Bake Sale'

organisa pa nos propio studiantenan. E benta di cuminda aki tin como meta pa recauda fondo pa e studiantenan di aña 3 cu pronto lo biaha pa exterior pa nan pasantia internacional. Di e manera aki IPA ta brinda henter Aruba un dia special di orientacion, yen di informacion y actividad.

Pa mas informacion por tuma contacto cu Studenten Services na 5243100 of por bishita nos pagina di facebook 'Instituto Pedagogico Arubano' of nos website [www.ipaaruba.com](http://www.ipaaruba.com).

**IPA**

**OPEN DAG**  
2018

**17**  
**NOVEMBER**

**Food & bake sale**

**INFORMACION DI**


- ▼ **Bachelor Talen**
- ▼ **PDG**
- ▼ **Primair Onderwijs**
- ▼ **21+ Toets**

**INTERCAMBIO CU STUDIANTE**

Orario:  
**10:00 am - 2:00 pm**  
[www.ipaaruba.com](http://www.ipaaruba.com)

Luga:  
IPA, Isaac Wagemakerstraat 11,  
San Nicolas




**MINISTER DANGUI ODUBER**
**Minister di Turismo, Salud y Deporte**


# Top 10 FAQ

*pregunta mas frecuente tocante:*

## Cambionan

OKT'18

### 1 Mi por cambia di dokter di cas?

Den e luna di maart y september por haci cambio di dokter di cas. Por haci e cambio na e oficina di dokter mes. Ta posibel cu e dokter di cas di bo deseo tin 2.475 pashent caba e ora ey mester acerca un dokter di cas cu si tin lugar pa pashent nobo. No tin gasto envolvi den cambio di dokter.

### 2 Mi por cambia di Botica?

Cambio di botica ta solamente posibel den luna di april y oktober. Por haci e cambio na e botica mes, nan ta regla e parti di administracion cu AZV. Si bo muda pa un otro adres leu di e botica unda bo ta inscribi e ora por haci un excepcion. No tin gasto envolvi den cambio di botica.

### 3 Mi por cambia di dentista?

Semper por cambia di dentista. Por haci e cambio na e dentista mes. No tin gasto envolvi den cambio di dentista.

### 4 Mi a muda, mi tin cu cambia mi adres na AZV?

AZV ta uza e adres manera bo ta registra na Censo. Dus si bo a cambia bo adres na Censo automaticamente AZV ta haya e update. Si AZV ta manda un carta pa bo e ta bay pa e adres cu ta registra den Censo. No tin nodo di bin AZV pa cambia bo adres.

### 5 Mi kier cambia mi potret riba e ZorgPas. Esey por?

Si bo ta bin AZV pa renoba bo ZorgPas ta posibel pa saca un potret nobo. Si bo caarchi no ta bay caduca ainda y bo kier un potret nobo e ta costa 10 florin.

### 6 Mi caarchi a caduca caba, kico mi tin cu haci?

Si bo caarchi a caduca, mester bin AZV pa renoba bo polisa. Loke bo tin cu trece ta un identificacion valido (paspoort, rijbewijs di Reino Hulandes of un Cedula di Reino Hulandes) y e caarchi bieuw. E gasto pa renoba bo polisa ta 10 florin. Si bo no tin bo caarchi bieuw mas e costo ta 20 florin.

### 7 Unda mi por haci cambio?

Tur cambio di dokter, botica y dentista por wordo haci cerca e dunador di servicio mes. Pa cualkier pregunta semper por yama AZV. Ta bon pa menciona cu AZV tin oficina na San Nicolas (den IMSan) y na Noord (den MFA) unda bo ta haya tur e servicio cu bo lo haya na e oficina principal di AZV (Camacuri).

### 8 Mi caarchi no a caduca ainda mi por cambi'e caba?

Si bo ZorgPas ta caduca dentro di un periodo menos cu 6 luna por bin renob'e caba. E caarchi nobo ta costa 10 florin y ta keda valido pa 10 aña si bo ta un mayor di edad. Pa muchanan e caarchi ta keda valido pa un periodo di 5 aña.

### 9 Mi a perde mi caarchi, kico mi por haci?

Si bo a perde bo caarchi, mester bin AZV cu un identificacion valido (paspoort, rijbewijs di Reino Hulandes of un Cedula di Reino Hulandes). E gasto pa laga traha un caarchi reemplasante ta 25 florin. E caarchi bieuw no ta uzabel mas.

### 10 Mester di e 'papel di 5 florin' pa haci cambio?

No mester di e *bewijs van inschrijving in het bevolkingsregister* (Censo) mas. AZV por haci e check pa wak si un persona ta inscribi na Censo via computer, dus no tin nodo pa bay Censo pa busca un 'papel di 5 florin' pa haci un cambio.



**XANDER BOGAERTS**

**KENLEY JANSEN**

**NOS ORGUYONAN...**

**GOBIERNO DI ARUBA TA DESEA NOS  
BASEBOLISTANAN DI ARUBA Y NOS  
HERMANA ISLA CORSO HOPI EXITO  
DEN E WORLD SERIES!**

**2018 WORLD SERIES**

**Gabinete Wever-Croes**



**MINISTER CHRIS ROMERO**

Minister di Transporte, Comunicacion y Sector Primario



**Danki TeleAruba y Setar Aruba Cu e transimision di World Series  
Pa Aruba disfruta di e serienan mundial  
Unda cu nos orguyo Xander Bogaerts ta hungando**

The graphic features two baseball players in action: a Dodgers pitcher (number 74) on the left and a Red Sox batter (Xander Bogaerts) on the right. The background is dark blue with a large, stylized 'WORLD SERIES' text in the center. The MLB logo is positioned above the year '2018'. The Dodgers and Red Sox logos are on the left and right respectively. At the bottom, there are logos for TeleAruba and SETAR.



# SIMAN DI BISTI NA LOCURA





# ATECH CONFERENCE 2018



Awe a tuma lugá e di cuater edicion di ATECH Conference na Renaissance Convention Center. E conferencia aki ta e prome evento di tecnología, startups y innovacion cu tarima internacional den Caribe. ATECH a acapara hopi atencion internacional pa Aruba den media manera Forbes, Entrepreneur, Colombia Post y hopi mas.


Hopi ta puntra kico ta e intencion di e conferencia aki? E plataforma ta uno non-profit cu ta wordo guia door di un grupo voluntario cu e mision pa yuda pone Aruba riba mapa mundial

como un hub di tecnología y innovacion y tambe inspira emprendedoran local pa innova.

E aña aki participantenan por a disfruta di oradornan internacional y local kendenan ta expertonan den mundo di tecnologianan manera Blockchain, Cybersecurity, Cryptocurrency y Artificial Intelligence.

E evento a culmina den un 'startup pitch competition' unda cu 8 finalista di diferente pais manera Merca, Colombia, Mexico, Hulanda y tambe dos startup di Aruba a pitch nan idea innovativo dilanti un panel di hurado independiente. Tambe por a experencia di cerca e Mo-B Lab y asina sera conoci cu e concepto di Mobile Makerspace y Internet-of-Things.

Esnan cu no a logra atende e conferencia, por a disfruta di e programa gratis via e Livestream profesional di TeleAruba.







GOBIERNO DI *ARUBA*

*un  
Feliz Dia*

ISLAONLINE  
PA INFORMACION  
CORECTO Y BERDAD